



XUNTA DE GALICIA

PRESIDENCIA

Secretaría Xeral para o Deporte

Estadio Multiusos de San Lázaro
15781 SANTIAGO DE COMPOSTELA
Tfn: 981 542 601/02 - Fax: 981 542 636
E-mail: secretaria.deporte@xunta.es



CONVENIO DE COLABORACIÓN ENTRE A SECRETARÍA XERAL PARA O DEPORTE E A FEDERACIÓN DEPORTIVA GALEGA DE PIRAGÜISMO PARA LEVAR A CABO A XESTIÓN DO COMPLEXO NÁUTICO E CAMPO DE REGATAS DE VERDUCIDO (PONTEVEDRA)

En Vigo, a 3 de marzo de 2015

R E U N I O D O S

O Sr. D. José Ramón Lete Lasa, Secretario Xeral para o Deporte da Xunta de Galicia, en uso das competencias desconcentradas nos Secretarios Xerais dependentes da Presidencia, en virtude da Disposición Adicional Segunda do Decreto 88/2013, do 30 de maio, de estrutura orgánica dos órganos superiores dependentes da Presidencia da Xunta de Galicia.

O Sr. José Alfredo Bea García, Presidente da Federación Galega de Piragüismo, en nome e representación da mesma, en exercicio das facultades atribuídas ao efecto polos estatutos federativos

E X P O Ñ E N

- I. Conforme ao establecido no Estatuto de Autonomía de Galicia, a Comunidade Autónoma galega asume a competencia exclusiva na materia da promoción do deporte (artigo 27.22), correspondendo á Secretaría Xeral para o Deporte as competencias de elaboración, proposta e execución da política do governo galego en materia de deportes, conforme ao establecido no *Decreto 88/2013, de 30 do maio, de estrutura orgánica dos órganos superiores dependentes da Presidencia da Xunta de Galicia*.
- II. A *Lei 3/2012, de 2 de abril, do deporte de Galicia* regula no seu artigo 51.1 as federación deportivas galegas, configurándose estas coma entidades privadas sen ánimo de lucro con personalidade xurídica propia e plena capacidade de obrar, cuxo ámbito de actuación que se estende á Comunidade Autónoma.

- III. Segundo o establecido na Lei 3/2012, de 2 de abril, só se pode recoñecer unha federación deportiva por cada modalidade deportiva (art. 51.5), exercitando cada unha delas en réxime de exclusividade, ademais das funcións que son propias do seu ámbito privado, as funcións públicas delegadas no artigo 56.4 da norma, actuando neste caso como axentes colaboradores da Administración (art. 51.4).
- IV. Neste marco das funcións federativas e da competencia de promoción da actividade deportiva encomendada á Secretaría Xeral para o Deporte, esta ditou a Resolución do 6 de setembro de 2010, pola que se concedía un permiso de ocupación temporal do Complexo Náutico e Campo de Regatas de Verducido (Pontevedra) a favor da Federación Galega de Piragüismo, coa finalidade de que a Federación de Piragüismo desenvolvese no complexo de Verducido os programas de iniciación, tecnificación, rendemento de alto nivel dos deportistas galegos desa modalidade deportiva co obxectivo de proxectalos á élite mundial.

- V. A tal efecto, as partes subscriben o presente convenio que se suxeitará as seguintes

C L Á U S U L A S

Primeira.- Obxecto do Convenio.

O obxecto do presente convenio é establecer, as bases de colaboración entre a Secretaría Xeral para o Deporte e a Federación Galega de Piragüismo, ao fin de que en contraprestación da xestión do centro levada a cabo pola Federación de Piragüismo no complexo de Verducido, e en base á cesión de uso outorgada, a Secretaría Xeral para o Deporte aporte unha achega económica para fazer fronte aos gastos que ocasiona manter en funcionamento o centro e o bo uso das instalacións.

Segunda.- Financiamento e importe da axuda

Ao fin de cumprimentar o establecido na cláusula primeira, a Secretaría Xeral para o Deporte concede á Federación Galega de Piragüismo, unha subvención por un importe total de cen mil euros (100.000,00 €), imputables á aplicación orzamentaria e anualidade que de seguido se identifican:

04.40.441A.481.0.
Anualidade 2015: 100.000 €



Terceira.- Concorrencia con outras axudas.

A presente subvención é compatible con outras subvencións e axudas, públicas ou privadas, que poida acadar a Federación para a realización das actuacións obxecto do presente convenio, sempre que a suma de tódalas subvencións e axudas non superen os gastos asumidos pola Federación con motivo de ditas actuacións obxecto da presente subvención.

A estos efectos, a Federación aportará, nos momentos da firma do presente convenio e da xustificación do segundo pago (contemplado na cláusula 6^a do presente convenio), sendas declaracóns responsables das outras axudas solicitadas ou concedidas para a mesma finalidade (Anexo I).

Non obstante o anterior, non poderán ser obxecto desta subvención os gastos que estean subvencionados polo convenio subscrito no ano 2015 (con carácter plurianual) pola Federación Galega de Piragüismo e a Secretaría Xeral para o Deporte, para a realización do programa de promoción e desenvolvemento da súa modalidade deportiva e preparación do Programa Río 2016 (Xogos Olímpicos)

Cuarta.-Obrigas da Federación

4.1. Xunto ás obrigas legais que se deriven dos ámbitos materiais das subvención, contratación e calquera outros que se lles sexan de aplicación, así como as demais obrigas establecidas no presente convenio, son obrigas da Federación o cumprimento dos termos do mesmo así como da normativa reguladora de subvencións, particularmente o establecido no artigo 11 da *Lei 9/2007 do 13 de xuño, de Subvencións de Galicia* -e artigos correspondentes do decreto 11/2009, do 08 de xaneiro-; en concreto:

- a. Executar o obxecto do presente convenio.
- b. Facilitar toda a información que lle sexa requirida e someterse ás actuacións de comprobación a efectuar pola Secretaría Xeral para o Deporte. Así mesmo, e de acordo co previsto na Lei 6/1985, de 24 de xuño, do Consello de Contas de Galicia, a Federación queda sometida aos procedementos de fiscalización que levan a cabo o Consello de Contas de Galicia e, no seu caso, e segundo o previsto na Lei orgánica 2/1982, de 12 de maio, aos procedementos de enxuizamento contable que poida incoar o Tribunal de Contas, e a calquera outro órgano de control nacional ou europeo.

- c. Conservar os documentos xustificativos da aplicación dos fondos recibidos, incluídos os documentos electrónicos, ó efecto das actuacións de comprobación e control.
- d. Comunicarlle ao órgano concedente a obtención doutras subvencións, axudas, ingresos ou recursos que financien as actividades subvencionadas polo presente convenio. Dita comunicación efectuarase conforme aos termos establecidos na cláusula cuarta
- e. Acreditar estar ao corrente do cumprimento das obrigas tributarias e fronte á Seguridade Social e de non ter pendente de pagamento ningunha outra débeda coa Administración Pública da Comunidade Autónoma, mediante declaración responsable a aportar no momento de suscrición do presente convenio, e elo conforme ao establecido no Anexo II.
- f. Dispoñer dos libros e rexistros debidamente dilixenciados que establece o Art. 55 da Lei 3/2012 de 2 de abril, do Deporte de Galicia.
- g. Incluír a identidade corporativa da Secretaría Xeral para o Deporte en tódalas comunicacións, presenzas publicitarias e medios de comunicación da Federación, incluíndo internet, así como nos eventos levados na instalación deportiva obxeto deste convenio.
- h. Quedará obrigada a facilitar toda a información que lle sexa requirida pola Intervención Xeral da Comunidade Autónoma, no exercicio das súas funcións de fiscalización e control do destino das subvencións.
- i. Quedará obrigada a facilitar toda a información que lle sexa requirida pola Intervención Xeral da Comunidade Autónoma no exercicio das súas funcións de fiscalización e control do destino das subvencións.

4.2. Con anterioridade ao primeiro dos pagos da presente subvención, a Federación dará cumprimento ao establecido na Lei 19/2013, de 9 de decembro, de transparencia, acceso á información pública e de bo goberno, a través da inclusión da información na web federativa, no caso de que esta federación deportiva estea suxeita ao establecida no artículo 3 b) da devandita lei, recibindo durante o período dun ano axudas ou subvencións públicas nunha contía superior a 100.000 euros ou cando menos o 40% do total dos seus ingresos anuais teñan carácter de axuda ou subvención pública sempre que alcancen como mínimo a cantidade de 5.000 euros. (Anexo V)

4.3. Acreditará, no momento da firma, a través do Anexo IV do presente convenio e mediante certificación do Secretario co visto bo do Presidente da Federación, a vixencia das normas de bo goberno federativas, subscritas con motivo da resolución do 8 de setembro de 2009 da Secretaría Xeral para o Deporte ou normativa que a substitúa, pola que se ditan as Normas de bo goberno das federacións deportivas de Galicia.



4.4. Deberase velar pola igualdade efectiva entre mulleres e homes así como cumplir o establecido na Lei 197/2007 do 11 de xullo contra a violencia, o racismo, a xenofobia e a intolerancia no deporte.

4.5. Deberase colaborar, fomentar e facilitar a participación no deporte das persoas con algunha discapacidade, tal e como se establece no artigo 51 da Lei 3/2012 do deporte de Galicia.

4.6. Xunto ás anteriores obrigas, a Federación Galega de Piragüismo responderá da veracidade da documentación aportada con motivo do presente convenio, debendo presentar, a estes efectos unha certificación do Secretario co visto bo do Presidente da Federación, segundo modelo que se xunta como Anexo III.

Quinta.- Pagamento.

5.1. Conforme ao establecido no artigo 63 do decreto 11/2009, de 8 de xaneiro, o abono da presente subvención realizarase da seguinte forma:

a. Un primeiro pago, de ata un máximo do oitenta por cento (80%) da contía total da subvención, tramitarase no momento da sinatura do convenio.

b. Un segundo, equivalente ao tanto por cento restante (20%), librarse unha vez xustificado o primeiro anticipo, que se deberá realizar con data límite 30 de xuño de 2015. De non ter xustificado o primeiro anticipo na data sinalada, a Secretaría Xeral para o Deporte revogará o segundo pago, sen posibilidade de ser tramitado con posterioridade, o cal supón a perda da contía correspondente ao segundo pago por parte da federación beneficiaria deste convenio e abrirase o procedemento para solicitar o reintegro do anticipo abonado.

O segundo pago xustificarase con data máxima o 31 de decembro de 2015.

5.2. Para a realización dos correspondentes ingresos, e no momento da subscrición do convenio, a Federación aportará á Secretaría Xeral para o Deporte unha certificación da conta bancaria, na que conste o IBAN, onde se efectuarán os mesmos.

Sexta.- Xustificación da subvención

6.1. Para a xustificación da subvención, a Federación deberá aportar, unha relación clasificada da totalidade dos gastos realizados, no que figuren os acredores co seu NIF, os documentos xustificativos, os importes, a explicación do gasto detallado e datas de pagamento.

Esta relación acompañarase das facturas orixinais, ou fotocopias compulsadas das mesmas, con xustificación bancaria de que os pagamentos estean realizados cos requisitos esixidos no artigo 42.2 do regulamento de subvencións de Galicia.

No caso de facturas que superen o importe de 9.000€, deberán achegarse al menos tres orzamentos de tres empresas diferentes e a xustificación da empresa elixida. Os orzamentos deberán solicitarse, estar datados, con data anterior a contratación pola federación.

Xunto á relación clasificada e os documentos acreditativos dos gastos e pagos, a Federación acompañará certificación da aprobación das facturas e demais documentos xustificativos, emitida polo Secretario da Federación co visto e prace do Presidente. Dita certificación realizarase mediante a aportación do Anexo III

6.2. Os documentos xustificativos de gastos e pagos deberán de estar datados no período comprendendo entre o 1 de xaneiro de 2015 e 31 de decembro do 2015, ambas datas inclusivas.

6.3. A documentación xustificativa da subvención establecida no apartado 1, deberá acompañar á restante documentación que, conforme ao presente convenio, a Federación deba aportar.

6.5. De acordo cos artigos 33 da Lei de Subvencións de Galicia e 74 e 75 do Regulamento de Subvencións de Galicia, procederá o reintegro da subvención no caso de incumplimento das obrigas establecidas neste convenio así como no caso de non presentar a xustificación no prazo establecido na cláusula 5.1 deste convenio.

Sétima .- Gastos subvencionables

No ámbito do presente convenio, terán a consideración de gastos subvencionables os necesarios para levar a cabo o obxecto do presente convenio.



Serán subvencionables os gastos efectuados entre 1 xaneiro de 2015 e o 31 de decembro de 2015 destinados ao pago dos gastos derivados da xestión e mantemento das instalacións (incluíndo gastos de persoal) do Complexo Náutico e campo de regatas de Verducido (Pontevedra).

Oitava.- Comisión de seguimento e interpretación

Para o seguimento do grao de execución do presente convenio e a solución de controversias que a súa interpretación poida motivar, créase unha Comisión integrada polos seguintes representantes:

- Dous representantes designados pola Secretaría Xeral para o Deporte.
- Dous representantes da Federación Galega de Piragüismo.

As discrepancias que, elevadas para súa resolución, non sexan resoltas a satisfacción da parte que a formule, serán sometidas ao coñecemento da xurisdicción contencioso-administrativa. Non obstante, as incidencias que se poidan formular en relación ca concesión, xustificación e reintegro da presente subvención deberán resolverse polo Secretario Xeral como órgano competente para a concesión da subvención, de acordo co artigo 7 da Lei 9/2007, de 13 de xuño, de subvencións de Galicia e a disposición adicional 2ª do Decreto 88/2013, do 30 de maio, de estrutura orgánica dos órganos superiores dependentes da Presidencia da Xunta de Galicia.

Novena.- Vixencia do convenio e causas de resolución .

A vixencia do presente convenio estenderase dende o día seguinte o da súa sinatura ata o 31 de decembro de 2015, salvo denuncia expresa de calquera das partes. Non obstante esta vixencia, enténdense amparados polo presente convenio todos os gastos referidos dende o día 1 de xaneiro de 2015 ata o 31 de decembro do 2015.

Son causas de resolución do presente convenio:

- 1.- O incumprimento total ou parcial do seu clausulado.
- 2.- A imposibilidade de realización das actuacións descritas neste convenio por causas non imputables ás partes.
- 3.- O mutuo acordo entre as partes.

Décima.- Supostos de reintegro.

No caso de que o beneficiario da subvención incumprise o disposto neste convenio, a Secretaría Xeral para o Deporte revogará a subvención concedida, logo da audiencia do interesado.

Procederá o reintegro das cantidades percibidas e a esixencia do xuro de demora correspondente nos supostos establecidos no artigo 33 da Lei de Subvencións de Galicia; As sancións en caso de incumprimento das obrigas fixadas ao beneficiario son as previstas nos artigos 59, 60 e 61 da Lei de Subvencións de Galicia.

Décimo primeira.- Publicidade e rexistro de axudas.

O beneficiario da axuda coñece e consiente a inclusión do seus datos nos rexistros aos que, en virtude da normativa de publicidade á que está sometido o convenio, deberá dárselle publicidade á esta subvención, en concreto, nos rexistros regulados polo Decreto 126/ 2006, de 20 de xullo, polo que se regula o rexistro de Convenios da Xunta de Galicia e o Decreto 132/ 2006, de 27 de xullo, polo que se regulan os rexistros públicos creados nos artigos 44 e 45 da Lei 7/ 2005, do 29 de decembro, de presupostos xerais da Comunidade Autónoma de Galicia.

Décimo segunda.- Natureza do convenio, réxime xurídico e xurisdición aplicable.

O presente convenio é de natureza administrativa e consecuentemente, as cuestións litixiosas que xurdan na súa aplicación, interpretación e cumprimento serán competencia da xurisdición contencioso - administrativa.

A súa normativa específica está constituída basicamente pola Lei 38/2003, de 17 de novembro, Xeneral de Subvencións e o seu Regulamento, aprobado por Real Decreto 887/2006, do 21 de xullo, nos seus preceptos declarados básicos, así como pola Lei 9/2007, do 13 de xuño, de Subvencións de Galicia e o Regulamento da mesma aprobado por Decreto 11/2009, do 8 de xaneiro.



XUNTA DE GALICIA
PRESIDENCIA
Secretaría Xeral para o Deporte

Estadio Multiusos de San Lázaro
15781 SANTIAGO DE COMPOSTELA
Tfno: 981 542 601/02 - Fax: 981 542 636
E-mail: secretaria.deporta@xunta.es

galicia

Este convenio está suxeito ás obrigas de publicidade impostas polo artigo 11 da Lei 4/2006, do 30 de xuño, de Transparencia e Boas Prácticas na Administración Pública Galega.

En proba de conformidade asínase o presente por triplicado no lugar e data arriba indicados.

O Secretario Xeral para o Deporte

José Ramón Lete Lasa

O Presidente da Federación
Galega de Piragüismo

José Alfredo Bea García



XUNTA DE GALICIA
PRESIDENCIA
Secretaría Xeral para o Deporte

Estadio Multiusos de San Lázaro
15781 SANTIAGO DE COMPOSTELA
Tfno: 981 542 601/02 - Fax: 981 542 636
E-mail: secretaria.deporte@xunta.es

galicia

Convenio coa Federación Galega de PIRAGÜISMO

ANEXO I

ANUALIDADE 2015

Gastos Xerais de Funcionamento da Instalación Deportiva de Pontillón do Castro (Verducido)	100.000 €
--	-----------

L
W
-



ANEXO II
DECLARACIÓN DOUTRAS AXUDAS:

Don/Dona _____, con DNI _____

presidente/a da federación galega de _____

con CIF _____, DECLARO baixo a miña responsabilidade que, para a mesma finalidade, en relación a outras axudas solicitadas das distintas administracións públicas competentes ou de entidades privadas, tanto aprobadas ou concedidas como as pendentes de resolución:

AXUDAS SOLICITADAS:

- NON se solicitaron outras axudas para a mesma finalidade.***
 SI se solicitaron outras axudas para a mesma finalidade.

Entidade/Institución á que se solicitou	Obxecto da axuda	Importe solicitado

AXUDAS CONCEDIDAS:

- NON se recibieron outras axudas para a mesma finalidade.***
 SI se recibieron outras axudas para a mesma finalidade.

Entidade/Institución concedente	Obxecto da axuda	Importe concedido

E para que así conste, asino a presente declaración no lugar e data abajo indicados.

En _____ a _____ de _____ de 2015

Sinatura e Selo da entidade

NOTA: É OBRIGATORIO presentar esta Declaración para a tramitación de cada pago. No caso de que haxa outras axudas para algúnhha actividade deberá xuntarse ó certificado unha explicación na que conste o custe final da actividade subvencionada e todas as achegas que se recibiron, incluíndo a partida do convenio destinada á mesma.



ANEXO III

DECLARACIÓN DE ESTAR Ó CORRENTE DAS OBRIGAS TRIBUTARIAS E DA SEGURIDADE SOCIAL

Don/Dona _____

presidente/a da Federación Galega de _____

DECLARO BAIXO A MIÑA RESPONSABILIDADE:

Que esta Federación está ó corrente das súas obrigas tributarias e coa Seguridade Social e non ten ningún pagamento pendente coa Administración da Comunidade Autónoma.

O que asino,

En _____ a ____ de _____ de 2015

ANEXO IV
CERTIFICADO DE VERACIDADE

Don/Dona _____

presidente/a da Federación Galega de _____

CERTIFICA:


Que a totalidade da documentación aportada con motivo da xustificación da subvención no ámbito do convenio de colaboración subscrito coa Secretaría Xeral para o Deporte, ano 2015, na data de, é veraz. .

E para que conste, expido o presente certificado,

En _____ a ____ de _____ de 2015

O Secretario

Visto bo do Presidente





ANEXO V

CUMPRIMENTO NORMAS DE BO GOBIERNO

Don/Dona

Secretario/a da Federación Galega de _____

CERTIFICA:

O cumprimento das normas de bo governo federativas subscritas con motivo da resolución do 8 de setembro de 2009 da Secretaría Xeral para o Deporte ou por calquera outra que a modifique ou substitúa .

E para que conste, expido o presente certificado,

En _____ a ____ de _____ de 2015

O Secretario

Visto bo do Presidente

ANEXO VI
CERTIFICACIÓN

Don/Dona

Secretario/a da Federación Galega de _____

CERTIFICA:

Que segundo o establecido na Lei 19/2013, de 9 de decembro, de transparencia, acceso á información pública e bo governo, a través da inclusión da información na web federativa, esta federación deportiva;

SI NO

está suxeita ao establecido no artícuo 3 b) da devandita lei,

recibindo durante o período do **ano 2014**, axudas ou subvencións públicas nunha contía superior a 100.000 euros

o cando menos o 40% do total dos seus ingresos anuais teñan carácter de axuda ou subvención pública sempre que alcancen como mínimo a cantidade de 5.000 euros.

E para que conste, expido o presente certificado,

En _____ a _____ de _____ de 2015

O Secretario

Visto bo do Presidente

